

(f) *~i sian atenton, sian malamon sur iun; ni ~u niajn penadojn sur la junularon; ~i sin* (streĉi siajn intelektajn fortojn). *~igl.* Igi *~ita: la vivo iom post iom ~igos en la regionoj subekvatoraj 2; oftejo, en kiu ~igas la laboroj de la du komitatoj 2; sekcio, kie ~igados el la tuta mondo diversaj projektoj 2; ĉiuj rigardoj ~igis al li; (f) komence liaj pensoj ~igis sur la mono B. ~iteco.* Grado, laŭ kiu *~igis* solvaĵo. *~ejo.* Barakaro, en kiu homoj estas *~itaj*, aŭ por faciligi ilian proviantadon, aŭ por amaspuŝadi ilin. **Mal~1** (tr). 1 *~.* Dilui. 2 Fordisigi.

**kondomo** *☞*. Kaŭĉuka protektilo de la penis, uzata por preventi infektiĝon de la viro aŭ gravediĝon de la virino.

**Konduktoro** ANST Oficisto, kiu akompanas publikan veturilon (tramveturilon, trajnon ks.), ne kondukante ĝin, sed plenumante difinitajn devojn, kiuj koncernas ĝian funkciadon aŭ ĝiajn pasaĝerojn. Kp STEVARDO.

**konfronti** (tr) *☞*. Enkete kontraŭmeti du aŭ plurajn atestantojn aŭ akuzitojn, por el iliaj kontraŭdiroj malkovri verojn.

**konfuceanismo** (R). Socia k religia doktrino, atribuita al la granda ĉina filozofo Kong-Fu-ce (Kong la Majstro), kies nomo estis latinigita en Konfucius.

**kontaĝi** (tr) *☞*. Komuniki malsanon per senpera aŭ pera kontakto inter du personoj: *la ratoj ~as peston. ~o.* Tia komunikado. **Mensa ~o.** Komunikado de neraciaj konvinkoj, deliraj imagaĵoj ks. elde unu individuo al liaj kunvivantoj: *la tiel nomata « publika opinio », la modo, la furoro estas fenomenoj de mensa ~o. ~a.* 1 Rilata al ~o: *~a infektado de lernantaro.* 2 Komunikiganta per ~o: *~a malsano.*

**kontempli** (tr). Longe k medite rigardi, per la korpaj aŭ la spiritaĵoj okuloj: *la ~a vivo de la budaanaj monaĥoj; ~ema ordeno* (kies anoj dediĉas sin precipe al meditama, ne al socie aktiva vivo).

**konvojo** *☞*. Kelke da komercaj ŝipoj eskortataj de militŝipoj k komandataj de supera oficiro. *~1* (tr). (p.p. militŝipo) Eskorti komercajn aŭ pasaĝerajn ŝipojn, por ilin protekti.

**koopera** ALD 2. Karakterizas asocion de konsumantoj, kiuj unuigas la potencon konsistantan en ilia aĉetpovo k komisiis iujn el ili aĉeti pogrande la bezonatajn varojn: *~a societo pri konsumado.*

**kopro** *☞*. Sekigita kerno de kokosnuksoj, el kiuj oni elpremas oleon.

**kopulacio** *☞* *☞*. Seksa kuniĝo de masklo kun ino, per kio ebligas la reproduktado de la specio: *la emo al ~o estas kvazaŭ la malsato de la specio. ~1* (x). Fari *~on.*

**\*Korno** ALD 6 Sonavertilo: *~o de aŭtomobilo; nebul~o* (sur ŝipo). *~1* (ntr). Sonigi *~on. ~igli* (p.p. haŭto). Malmoliĝi k fariĝi *~o. ~obati* (tr). Frapi per siaj ~oj (p.p. taŭro ks).

**korodi** (tr). 1 *☞* Kemie difekti la surfaco de io: *fero ~ila de rusto; ~a acido, sublimato.* 2 (f) Iom post iom detrui, elmordi: *la ĵaluzo ~is lian forton; ~a ironio.*

**koroido** *♥*. Membrano de la okulglobo, situanta inter la sklero k la retino.

**kosmo** ALD *~aj radioj* *☐*. Nomo de radioj ondaj k korpusklaj, penetrantaj la teran atmosferon de el la *~a* interspaco, k de aliaj tiaj radioj kaŭzitaj de ili.

**krabli** (ntr). Sin movi laŭ la aparta irmaniero de multpiedaj bestoj k insektoj.

**kraŝi** (ntr) (Avi). Falfrakasigi. *~o.* Akcidento de aviadilo, kaŭzita de abrupta k forta kontakto kun dura surfaco.

**\*Kremo** ALD *~aĵo.* 1 (Ku) Manĝaĵo el lakto, sukero k ovoĵ, kies konsisto analogas tiun de densa *~o: ĉokolad~aĵo.* 2 Oleeca ŝmiraĵo uzata de la virinoj por beligi la haŭton: *tualet~aĵo.*

**kremacio** *☞*. Unu el la tradiciaj formoj de sepulto, en kiu oni forbruligas la kadavron k konservas ĝian cindron: *~a fornego; ~ejo. ~1* (tr). Forbruligi ies kadavron en tia maniero.

**kriĉi** (ntr). Krii kiel akcipitro.

**kripta**. Sekrete konvencia, p.p. skribo aŭ parolo: *la slango de la krimulo estas ~a lingvo. ~aĵo.* Cifrita teksto, kies ŝlosilon oni ne posedas. **El~igi** (tr). Deĉifri *~aĵon.*